

Broj: 01- 02/2-3737/23 SK
Sarajevo, 18.12.2023. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 18-12-2023			
Org. jed.	Broj	Priloga	Vrijednost
05/1	- 02 -	465/	23

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BIH
PREDSTAVNIČKI DOM
n/r gosp. Ivan Miličević, sekretar
n/r gđa. Alma Beganović, zastupnica

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BOSNE I HERCEGOVINE
n/r gđa. Edita Kalajdžić, sekretar

PREDMET: Odgovor na poslaničko pitanje, **dostavlja se-**

Veza: Akt sekretara Predstavničkog doma Parlamenta Federacije Bosne i Hercegovine, broj: 05/1-02-465/23 od 29.11.2023. godine i akt sekretara Vlade Federacije Bosne i Hercegovine, broj: 03-04-1406-2/23 od 01.12.2023. godine

Poštovani,

U vezi sa poslaničkim pitanjem koje je na 7. redovnoj sjednici Predstavničkog doma Parlamenta Federacije Bosne i Hercegovine, održanoj 28.11.2023. godine, postavila Alma Beganović, poslanik u Predstavničkom domu Parlamenta FBiH koje glasi: „Zašto Federalno ministarstvo rada i socijalne politike ne pokreće aktivnosti oko formiranja Vijeća za zaštitu na radu“ dajemo sljedeći odgovor iz okvira nadležnosti Federalnog ministarstva rada i socijalne politike:

Članom 7. st. (1), (2), (3) i (4) Zakona o zaštiti na radu („Službene novine Federacije BiH“, broj: 79/20), propisano je da Vlada Federacije Bosne i Hercegovine, osniva Vijeće za zaštitu na radu koje čine predstavnici Vlade Federacije, udruženja poslodavaca, sindikata i istaknutih stručnjaka za sigurnost i zaštitu zdravlja na radu. Vijeće ima devet članova. Članove Vijeća imenuje Vlada Federacije na period od četiri godine, a čine ga premijer Federacije, federalni ministar nadležan za rad, federalni ministar zdravstva, po dva predstavnika poslodavaca i radnika koje predlažu reprezentativna udruženja poslodavaca i radnika za teritorij Federacije, te dva istaknuta stručnjaka za sigurnost i zaštitu zdravlja na radu. Vijeće predlaže i povremeno preispituje politiku sigurnosti i zaštite zdravlja na radu i podstiče usklađivanje rada svih relevantnih organa i tijela, kao i zakonodavstva, u cilju

obezbjeđenja života, zdravlja i radne sposobnosti radnika, sprječavanja povreda na radu i profesionalnih oboljenja. Odluku o osnivanju Vijeća iz stava 1. ovog člana, donijet će Vlada Federacije, na prijedlog Federalnog ministarstva rada i socijalne politike, u roku od šest mjeseci od dana stupanja na snagu ovog zakona.

S tim u vezi, informiramo Vas da je Federalno ministarstvo rada i socijalne politike, u prethodnom periodu, poduzimalo određene aktivnosti po pitanju imenovanja Vijeća za zaštitu na radu. Međutim, u momentu kada je stupio na snagu Zakon o zaštiti na radu (08.11.2020. godine), Vlada Federacije BiH je bila u tehničkom mandatu, te se čekalo imenovanje nove Vlade Federacije BiH, kako bi se njeni predstavnici (premijer Federacije, federalni ministar nadležan za rad, federalni ministar zdravstva), imenovali u navedeno Vijeće. Nadalje, nakon što je 28. aprila 2023. godine, imenovana nova Vlada Federacije BiH, nastavljene su aktivnosti na imenovanju Vijeća za zaštitu na radu. Međutim, imenovanje trenutno otežava činjenica da Savez samostalnih sindikata BiH, kao reprezentativno udruženje radnika na teritoriji Federacije BiH, ima određene sporove sa većinom granskih sindikata, tako da ovo Ministarstvo nije u mogućnosti da okonča proceduru predlaganja prestavnika radnika u navedeno Vijeće, zbog sporenja unutar Saveza samostalnih sindikata BiH. Također, zbog istog razloga još uvijek nisu okončane aktivnosti konstituisanja novog saziva Ekonomsko-socijalnog vijeća za teritoriju Federacije BiH.

Imajući u vidu navedeno, Federalno ministarstvo rada i socijalne politike će, u skladu sa svojim nadležnostima, nastaviti aktivnosti na formiranju Vijeća za zaštitu na radu u skladu sa Zakonom o zaštiti na radu, te se nadamo da ćemo ovaj proces okončati u što kraćem periodu.

S poštovanjem,



Dostavljeno:

- Naslovu
- a/a